

助。並望廣爲勸募。俾利進行。鍾先生効忠教育。久已中外知名。趨謁台端時。尙希接洽爲盼。專此順頌

大安

代省長陳樹人

中華民國十二年十二月

三藩市中華會館致秘魯中華會館函

秘魯中華會館列位鄉先生鈞鑒。頃嶺南農科大學監督鍾榮光先生。爲謀農科自立來美籌捐。所到各埠。各僑胞無不出力幫忙。今次前來貴埠。向各梓里求捐。尙希竭力提倡。勸各僑胞盡情捐助。至該農科內容之關係於民食與主權問題。鍾君當能面罄也。肅此恭頌
公祺

三藩市中華會館總董陳官韶頓

歡迎鍾榮光先生

錄智利華僑日報（霍劍）

昔柯亭之竹。非呈響于蔡籬。鹿盧之劍。豈矜奇于秦女。乃過之者駐轡。佩之者超屏。何哉。德見者情生。氣求者聲應。人非矇眛。覩夷光而運

眸。地非俗囂。奏咸韶而傾耳。此鄭風所以歌緇衣。周易所以稱蘭臭也。鍾先生榮光。以碩德耆彥。昌明教途。負儒林重望。三十有餘年。都人士備聞先生行誼之純一。學術之淵深。又奚止繫我崇拜景仰已耶。溯我粵連年坎坷。風雲擾攘。琴書冷寂。學徑荒蕪。士習凌夷。人心委靡。馴至以師儒爲對薄之人。以法廷爲索薪之地。報章具在。披覽慨然。而潛心就範。實力經營者。寧有幾人哉。今鍾先生奔走海外。爲廣東農大樹宏遠之規模。苦心毅力。勢悴弗辭。綜觀欽遲者方望若歲。馳譽者久癩若雷。未嘗不歎人生之能力。無一定界限。無一定程度。而惟以其熱誠之界限程度爲比例差。其動機也希微。其結果也殊絕。而深知乎天下古今聖賢豪傑之所以能成就大事業者。其所得皆有由也。鄙人對於鍾先生。時有高山仰止之思。緬聲華于於往日。欽芝采于臨風。李鄴侯一品仙依。周公瑾三升醇酒。早已營意絲而繡平原。範心金以鑄買島矣。今幸名賢長者。命駕南來。此際識荆。我猶恨晚。獲視丰采。足慰平生。大好鴻雪因緣。應留紀念。仍願龍雲角逐。鵠候乘時。企予望之。心乎愛矣。